

Stáhtaráđi ásašus

ealliguovdasaš doarjagis, mii máksojuvvo boazodoallojagis 2025/2026

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 4 §:a 2 momeantta ja 14 §:a 3 momeantta vuodul:

1 §

Heivehansuorgi

Dán ásašusas mearriduvvo dan ealliguovdasaš doarjagis, mii máksojuvvo boazoeaiggádiidda stáhta bušeahtas jahkái 2025 eana- ja šaddogárdedoalu riikkadási doarjagii čujuhuvvon ruđain boazodoallolágas (848/1990) oaivvilduvvon boazodoallojagis 2025/2026.

2 §

Doarjaga ohcan

Doarjja máksojuvvo eanadoalu doarjagiid doarjjaguovlluid ja daid suologuovlun lohkkjuvvon oasseguovlluid birra addojuvvon stáhtaráđi ásašusa (1379/2022) čuvvosis I oaivvilduvvon guovlluin C3 ja C4 bohccuiguin bargi, eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 1 momeanttasuovvilduvvon ohcciide. Dállodoallun

gehččojuvvo maiddá juogekehtes jápminbeassi.

Doarjaga oazžuma eaktun lea dat, ahte doarjjaoazžu merke bajás iežas jodihan boazodoalu boaduid ja goluid.

3 §

Doarjjadohkálaš ealihanbohccot

Doarjaga sáhtta oazžut, jos dálldollui gullelaš olbmot oamastit boazologahallamiid mielde boazodoallojagi loahpas uhcimustá 80 ealihanbohcco, nugo boazodoallolága 5 §:a 2 čuoggás oaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodduvvet boazodoallojagis 2024/2025 dahkkojuvvon boazologahallamii. Boazodoallojagi 2024/2025 áigge dahkkojuvvon boazogávppit sáhttet váldojuvvet vuhtii doarjaga miedihettiin.

Doarjja ii máksojuvvo dakko bokte go ealihanbohccuid mearri manná badjel bálgošiidda dahje daid osolaččaide mearriduvvon alimus lobálaš ealihanboazologuid. Jos bálgoša ealihanboazolohku manná badjel bálgošiidda mearriduvvon alimus lobálaš ealihanboazologu, de

dállodoaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dálldodalut oamastit ealihanbohccuid bálgošis. Jos ealihanboazolohku báhcá uhcibun go 1 momeanttas mearriduvvo, de dálldollui sáhtta liikká miedihuvvot doarjja daid loahppaealihanbohccuid logu vuodul, jos dálldodalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo dain ealihanbohccuin, maid osolaš livččii galgan bálgoša dohkkehan

jahkásaš njuovvanplánaid mielde njuovvat. Jos dálldoalu ovdalis oaivvilduvvon njuovakeahtes bohccuid lohku lea badjel golbma proseantta ealihanboazologus, de doarjja ii máksojuvvo dálldollui ollege.

4 §

Doarjaga mearri

Doarjaga mearri lea eanemustá 28,50 euro ealihanbohccos.

5 §

Fápmuiboahhtin

Dát ásahus boahtá fápmui geassemánu 24 beaivve 2025.

Helssegis geassemánu 18 beaivve 2025

Eana- ja meahccedoalloministtar Sari Essayah

Ráddádalli virgeolmmoš Juha Vanhatalo